



सानसेयारि बड'सा

BODOSA ★ A Bodo News Daily ★ Monday ★ 6 October, 2025 Kokrajhar, BTC, Assam ★ Vol.-35, Issue No.191 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

बिटिसिनि गाहाइ खुंगिरि महै हाग्रामा महिलारी आरो लेडइ गाहाइ खुंगिरि महै रिहिन दैमारिआ समाइखिरा लाबाय

कक्राझार, 5 अक्टबर: हाग्रामा महिलारी आरो बिथानि दैदेन्नाय बिपिएफ राजखान्ति दोलोनि थाखाय दिनै गुबुन मोनसे जारिमिनारि रंजानाय सान। बिटिसि खुंथाइन गोहोआव थानाय 5 बोसोराव प्रमद बर'नि दैदेन्नाय इडिपिएल दोलोनो हगारनो गोनं जादोंब्लाबो गावनि दोलोखों गोखोडै लाखिबोनाय आरो राइजो-राजाफोरनि अन्साइनाय, फोथार्यथि मोन्नायजों दिनै फिन



गाहाइ मन्थि मदिआ बिटिसिनि गाहाइ खुंगिरि
हाग्रामा महिलारीनिसिम हामब्लायथि हरदों

राइज्यो सरकारआ गोदान बिटिसि सरकारखौ मोनफ्रोमबो
बिथिडावनो आबुडै हेफाजाब खालामलांगोन: गिबि मन्थि

बड'लेण्ड हायुंआरि गौथुमनि 5थि मावफुं आफादनि
समायखिरा हाबाफारियाव आसामनि गिबि मन्थि ड॰ शर्मा



महिलारीनिसिम हादवनि गाहाइ मन्थि नरेन्द्र मदिआ गावनि हामब्लायथि जासिहरदों। गाहाइ मन्थि मदिआ 5थि बिटिसि बिसायख'थिआव गोबां मासि देरहानानै बिटिसि खुंथाइन गोहोआव फैफिन्नायनि थाखाय हाग्रामा महिलारी आरो बिथानि गासै हान्जा एबा बिपिएफ दोलोनिमिम हामब्लायथि हरदों। लोगोसे गाहाइ मन्थि मदिआ बिटिसिआव गासै बिथिडाव जौगानायनि थाखाय मिरु सरकार आरो राइज्यो सरकारआ

(□ 6 बिलाइआव)

(□ 6 बिलाइआव)

(□ 6 बिलाइआव)

खुंथाइन गोहोआव फैफिन्नाय हाबाय हाग्रामा महिलारी आरो बिथानि दैदेन्नाय बिपिएफ दोलोआ। थानाय 22 सेप्टेम्बरखालि खुंजानाय बिटिसिनि 5थि बिसायख'थिआव बिपिएफ दोलोआ मोन 28 मासि देरहानानै हारसिडै सरकार दानो हानायनि गोहोखों मोन्नानै दिनै बिटिसिआव गोदान सरकार दानायनि मोनसे समाइखिरा

बेयो अखा नडा बोर सारस्त्रिनायसो, गोबाव समनि
मैलाखौ भगवानआ दिनै सुस्त्रांबाय : हाग्रामा महिलारी

बेयो अखा नडा बोर सारस्त्रिनायसो, गोबाव समनि
मैलाखौ भगवानआ दिनै सुस्त्रांबाय : हाग्रामा महिलारी

कक्राझार, 5 अक्टबर: दिनै कक्राझारनि बड'फा नोगोराव थानाय बिटिसि आयेन आफादनि फोथाराव थानाय बिटिसिनि 5थि मावफुं आफादनि समायखिरा लानाय हाबाफारिया गाहामे गाहाम जानानै थाडो। आसाम सरकारनि प्रिन्सिपाल सेक्रेटारि रबि कताआ आसामनि मानिजाथाव राइज्यो बेंगिरि लक्ष्मन प्रसाद आचार्य आरो

(□ 6 बिलाइआव)



कक्राझार, 5 अक्टबर: 5थि बिटिसि बिसायख'थिआव बिपिएफ राजखान्ति दोलोआ मोन 40 बियाबनि गेजेराव मोन 28 बियाबआव देरहासर जानो हानायनि उनाव दिनै गोदान सरकारनि समाइखिरा लानाय हाबाफारिखौ कक्राझारनि बड'फा नोगोराव थानाय बिटिसि सेक्रेटारियेट मावखुलिनि लांगोनायाव मोनसे मेहेर गोनं



जनेश्वर चक्रवर्ती



आसाम सरकार

बेडमिन्टननि साबसिन फालिथाइ
मुलुगनाडै गुवाहाटीसिम फैगोन



ड॰ हिमन्त बिश्व शर्मा
गिबि मन्थि, आसाम



YONEX - SUNRISE BWF
WORLD JUNIOR CHAMPIONSHIPS 2025

Organised by



Sanctioned by



Supported by



6-19 अक्टबर



नेसनेल सेन्टार फर एक्सलेन्स
गुवाहाटी



CHEER FOR
INDIA WITNESS THE
FUTURE OF BADMINTON

43 हादतफोरनि
452 गेलेगिरिफोर

फोरमाइथाय आरो सुबुं फोनांजाब बिथोनगिरि मावख', आसामजों फोसावजानाय

Connect with us @diprassam | dipr.assam.gov.in

सुजुगिरिनि खोलोम



रां आर्जिनायनि लामाखौ बिफां-लाइफांनि
फलि जगायननैबो लानो हागौ
थानै थानायनि थाखाय गोबां लामा दइ होनां

थाना नै थानायनि थाखाय गोबाने लामा दङ्ग होनानै
बुनाय जायो। आबादनिफ्राय लानानै बाइदिसिना खामानि-
दामानिफोरनि गेजेरजोबे थानानै थानायनि लामा दिहुन्तो
हायो। आबाद होनोब्ला जॉनि मानसिफ्रा दैज्जलानि माइ आबाद,
मेसेंनि मैगं-थाइगं, सबाय-सिबिं-बेसर बाइदिसिना
आबादफोरखौनो हमनानै लानाय जायो। नाथाय बेनि
अनगायैबोदि-ना फिसिनाय, दाव-हांसो, बोरमा-अमा
फिसिनाय, मैगं-थाइगंजो लोगोसे बाइदिसिना बिफाने फुलि
जावयैनाय, नारें लेबु, थाइजौ, लिचु बाइदिसिना फिथाइ-
सामथायनि फुलि खालामनानै, गायनानै फिथाइ-सामथाय
दिहुन्नानै थानानै थानो, नख 'र सामलायनो खामानि-दामानि
गैयै सुबुंफोरनो सरकारनि बिथिनिफ्राय मदत होनायनि राहा
दङ्ग। नाथाय बेफोर राहाखौ साबसे बेकारफ्रा मोनफुनो हादों
आरो साबसेया बेफोरबादि स्कीमनि गेजेरजो थानानै थानायनि
लामा दिहुन्तो हादों होनानै सोनायनिबो जाहोन गैया नङ्ग
दङ्ग। अदेबानि बेनि मोन्दांथिखौ जायफोरा मावनानै जाबोदों
बिसोरसो बेनि फिन्नायखौ गेबेडै होनो हागोन।

आधिकाल हाथाय-बाजाराव बोथोर नायै बोथोरनि
मैगं-थाइगं-फास्थव, टमेट, कफि, फानलु बाइदिसिना मैगंनि
फुलि जावयैनानै फान्नाय बादिनो- थाइजौ, नालेंखर, गय,
नरें लेबु, लिचु, जाम्बुजों लोगोसे बाइदिसिना रोखोमनि
बाथाम-तकथा हाखाव जाग्रा बिफां-लाइफांनि फुलि
जावयैनानै बोसोर नाडै फान्नो हानायनि राहाबो लानो हासै ।
मानोना आधिकाल गोगो आरो सुदेम बारहावया मोनफुंनो
हानाय बादियै आलांगा फोथारनिफ्राय लानानै लामा-सामा,
न' उस्सु, बारि-बागान जेरावबो बिफां मायनानै सोमछै
खालामनो लादों बे बिथिडै फुलिनि चाहिदाया गोबां बांबोनो
हमदों ।

मैंगं-थाइगंनि आबाद मावनानै मुलाम्फा जानाय
बादिनो मैंगं-थाइगंनि फुलि जावयैनानै फान्नायवबो मुलाम्फा
दं । आथिकाल न'नि बारि-बागानाव बाइदिंसिना रोखोमनि
मैंगं-थाइगं फोनानै मावनानै जानाय-फान्नायफोर बादि
खालामनो हायाब्लाबो नख'राव जानाय सोलिनो आन्था
रोखोम-रोखोम एफा-एफा मैंगं-थाइगं गायनानै मावनानै
जानायबो दंसै । दाव-हांसो, बोरमा-अमा, नाफोरनि बाश्राया
आलादा । न'याव जानो आरो माफा-मानै फान्नो हानायनि
थांखिजों गामियारि नख'राव दाव-अमा, बोरमा, हांसोफोरखौ
फिसिनाय जाखायो । नाथाय फार्म मह्रै फिसिनानै रांखाथियायि
विश्राखौ खोमथा खालामनो हानायनि राहाखौबो लानो
रोनांगोन । गुबैयै आथिकालाव दावदेनि चाहिदाखौ नायनानै
दावदे दिहुनायनायनि फार्मबो गायसन्नो गोनांथि दं । □

दिनैनि फान्जामुथि

राशि बाइदियै मुंनि गिबि हांखो

मेघ : अल	वृष : ऊब (उ ए इ)	मिथुन : क छ (ड घ)
कर्कट : ड ह	सिंह : म ट	कन्या : प ठ (ण ष)
तुला : तर	वृश्चिक : ब न	धनु : ध भ (ढ फ)
मकर : ख ज	कुम्भ : ग श (स)	मीन : द च (ख ज झ)

अरुनाचलनि कलाइ-II हाइड्रपावार प्रजेक्ट इआइएखौ लानानै

डब्लिउएपिसिअएस मासिगिरिनि बेरेखा एफआइआर रेजिस्ट्रार खालामदों

एनसिआरबिआ मोनसे गोमोथावना रिपर्ट फोसावदों

गुवाहाटी, 5 अक्टबर: अरुनाचलनि अन्जाउ जिल्लायाव थानाय आरो नुकुं वेलफेयार ससाइटिनि मासिगिरि महरै खामानि मावबोनाय रशमान तौसिकआ बृहस्पतिबारखालि जायगानि पुलिस थानायाव मोनसे एफआइआर थिसनो। ए फ आ इ आ र आ व डब्लिउएपिसिअएस लिमिटेडनि मासिगिरि शिल्पा शिन्दे, डब्लिउएपिसिअएसनि इआइए सार्भे कमिटिनि बिगियानगिरि, अन्जाउ डिपुटी कमिसनार मिल’ कजिन आरो हा सामलाय नेहाथारि अदेश कुमार सिंहखौ दायनिगिरि महरै मख’नाय जादों। एफआइआरआव तावसिकआ दाबि खालामदोंदि, डब्लिउएपिसिअएसनो आइनारि नटिस हरनायनि उनावबो आरो डिपुटी कमिसनार आरो हा मेनेजमेन्ट नेहाथारिनो लाइजाम गथायनायनि उनावबो थांखिजानाय कलाइ-II हाइड्रपावार प्रजेक्टनि थाखाय आबहावायारि गोहोम एसेसमेन्ट (इआइ) नि सायाव बिथानि जिंगाखौ लानानै जेबो राहा लानाय जायाखै। अन्जाउ जिल्लायाव 1,200 मेगावाटनि कलाइ-II दैमोब्लिब मावथांखिखौ टिएस्डिसि इन्डिया लिमिटेडआ



जौगाहोगासिनो दं। बे मावथांखिनि थाखाय आबहावायारि गोहोम बिजिरथाय (इआइए) खौ बे बोसोरनि आगस्त दानाव खालामनाय जादोंमोन। तावसिकआ 2013 आरो 2025 मायथाइनि इआइए रिपर्टफोरखौ नायफामनाय, इ-मेइल लाइजाम आरो मावख’आरि फोरमानलाइफोरखौ लाफानानै गुवारै नायबिजिरनो खावलायदों। बिथांआ एफआइआरआव मुं होनाय सुबुंफोरनि बेरेखायै आइनारि राहा लानो खावलायो जाहाथे आबहावानि बांद्राय खहा जानायखौ होबथानो हायो आरो

खहा जानानाय हारि आरो ट्राइबेल हा-हुफोरनि मोन्थायखौ रैखाथि होनो हायो। तौसिकआ भारतीय न्याय महासभा (बिएनएस) नि गुबुन गुबुन दफाफोरनि सिडव केस होनो थाखाय खावलायदों। बेनि सिगां मोनसे आइनारि फोसावलाइनि गे जेर जों बिथाड खड्लिउएपिसिअएसनि सायाव आबहावायारि गनायथि मोन्तो थाखाय इआइए रिपर्ट थियारि खालामनाय आरो जमा होनायाव गोबां गोनांथि होयैनि अजद होदोंमोन। बिथांआ बेखौबो दाबि खालामदोंमोनदि, थगायनाय

खामानिफोरा गनायथि होनाय हाबाफारिनि मोनसे बाहागो आरो मावथांखिनि गोब्राब आ ब हा व आ य आ रि फिनजाथाइफोरनि सोमोन्दै सांग्रांथि होयो। बेफोर अजदफोरनि फिन्नायाव डिपुटी कमिसनार कजिनआ बे फोसावलाइखौ फोरमायदोंदि, आबहावायारि गोहोम बिजिरनाय (इआइए) खौ अरुणाचल प्रदेश राइज्यो पलुसन कन्ट्रल बर्ड एपिएसपिसिबिआ पारदर्शीयै मावफुंदों, गासै फारिखान्थिखौ भिडिअ’ रेकर्ड खालामनाय जादों। थगायनायनि दाबिफोरनि

जे बो बिथा गैया। सुबुं हियारिनि समाव मावथांखिजों गोहोम गोग्लैनाय गासै नख’रफोरनि जेनाफोरखौ सुस्त्रांनो थाखाय गोबां सांग्रांथि लानाय जादों, कजिनआ बुडोदि, गासै सन्देहफोरखौ थाबैनो सुस्त्रांनाय जादों आरो गोहोम गोग्लैनाय नख’रफोरा गाव गावनि सान्नायफोरखौ फोरमायनो थाखाय थोजासे खाबु मोन्दों। बिथाड बेखौबो नोजोर होनानै बुडोदि, इआइनि समाव मावथांखिजों खहा जानाय नख’रफोर, जायगानि एमएलए आरो मन्थि दासांलु पुल, एपिएसपिसिबिनि थान्दैफोर आरो गुबुन गुबुन बिथंजों लोगोसे गासै सोमोन्दो गोनां स्टेकहल्डरफोरा नुजाथिदोंमोन।

जम्मु-काश्मीरनि जजिला पासनि जिर’ पइन्ट

सनमार्गआव गिबि खेबनि थाखाय बरफ गोग्लैदों

श्रीनगर, 5 सेप्टेम्बर: रबिबारखालि जम्मु-काश्मीरनि जजिला पासनि जिर’ पइन्ट सनमार्गआव गिबि बरफ गोग्लैदों। बे समाव हाजोफोरखौ बरफनि गुफुर कम्बलजों खोबथेजानाय बायदि नुनो मोनो। अखानिफ्राय बरफ गोग्लैनाय नुथाया जोबोरैनो मुजिथाव आरो गोमोथाव। श्रीनगर बोथोर बिगियान बिफानआ फोरमायनाय बादिब्ला, 4 अक्टबरनिफ्राय 7 अक्टबरसिम जम्मु-काश्मीरआव मोनसे सोनाबयारि जेनाया नुजाथिनो हागौ। बिफाननि बादिब्ला, जम्मु आरो काश्मीरनि गोजौ ओनसोलफोराव गेजेरनिफ्राय रोजा बरफ गोग्लैनायनि मिजिंदं, जेराव अनन्तनाग, पहलगाम, कुलगाम, सिन्धान पास, शपियां, पीर की गली, सनमार्ग-जजी ला, बान्दीपरा-राजदान पास, गुलमार्ग, कुपवाड़ा-साधना पास बायदि गोबां ओन्सोलफोरावबो बरफ गोग्लैनो हागौ। बोथोर बिफानआ सांग्रांथि होदोंदि, गाज्जि बोथोरनि थाखाय जम्मु-श्रीनगर आरो श्रीनगर-लेह हादरयारि राजा लामाजों लोगोसे गुबुन गाहाइ लामाफोराव थांलाय-फैलाय खालामनायाव हेंथा सोमजिनो हागौ। गिबि मन्थि उमर आब्दुल्लाया गासैबो खुंथायारि बिफानफोरखौ जायखि जाया थासारिजों मोगा-



मोगि जानो थाखाय आबुडै थियारि थानो बिथोन होदों। गासै जिल्ला आरो खोन्दोआरि खुंथायफोरा सांग्रां थानो नांगोन आरो कन्ट्रल रुमफोरा थियारि थानांगौ। जायखि जाया खैफोदजों सोमोन्दो गोनां

कलफोरनि सायाव थाबैनो राहा लानो बिथोन होनाय जादों। बेनि अनगायैबो जम्मु आरो काश्मीरनि सुबुंफोरखौ गोनांथि गैयै दावबायनायनिफ्राय गोजानाव थानो खावलायदों। जेब्ला जोबोद गोनांथि जायो

अब्लासो गावनि न’नि बाइजोयाव थां। बिथांमोनखौ आइएमडि आरो खैफोद सामलायनाय चेनेलफोरनि गेजेरजों होनाय खारिथिफोरखौ फोरमायनो थाखाय बोसोन होनाय जादों।

ट्राम्पनि हेंथा होसेयावबो इजराइलआ गाजाखौ गाग्लोबदों,

आइडिएफनि गाग्लोबनायाव सा 70 सुबुंनि जिउ गोमादों



गोदान दिल्ली, 5 सेप्टेम्बर: गाजाआव सोलिबाय थानाय दावहानि गेजेरावनो आमेरिकानि हादरगिरि डनाल्ड ट्रम्पआ दावहा दोन्थ’नो थाखाय हाबा मावबाय थानाय समावनो इजराइलआ गाजाआव उरांजों गाग्लोबनो जागायफिनो। सुलुंनि बादिब्ला, शनिबारखालि इजराइलनि गाग्लोबनायाव बाडयैबो सा 70 फिलिस्ताइननि नोगोरारिफोरा जिउ गोमादों, जेराव दाय गैयै गथ’फोरबो दं। मख’नो गोनांदि, ट्राम्पआ हमास आरो इजराइलनि गेजेराव सोलिनाय दावहाखौ दोन्थ’नो थाखाय नाजागासिनो दड। हमासजों सावरायनायनि उनाव आमेरिकानि हादरगिरि डनाल्ड ट्रम्पआ इजराइलखौ गाजाआव बम बेहोनायखौ बन्द खालामनो खावलायदोंमोन। बेनि उनावबो इजराइलआ शनिबारखालि गाजाखौ गाग्लोबदों। बे गाग्लोबनायाव इजराइलनि मिलिटारि

फसंथानफोरनि गेजेराव थानाय गाजा नोगोरनि सुबुंफोरा बांसिन जोखोम जादों। सुलुंनि बादिब्ला, देहा मावख’गिरिफोरा रोखा खालामदोंदि, बैयाव सा 45 सुबुंफोरा जिउ गोमादों। थानाय सप्ताहआव इजराइलनि गाग्लोबनायफोराव गाजानि 10 लाखनिबो बांसिन नोगोरारिफोरा गोहोम गोग्लैनांदों। इजराइलनि गाग्लोबनायनि जाहोनाव गाजानि सुबुंफोरा बे जायगाखौ नागरानानै खोला गाजा फारसे थानो गोनां जादों।

इजराइली आर्मिआ खोला गाजायाव थानाय मोनसे डिसप्लेसमेन्ट केम्प अल-मावासिखौबो गाग्लोबदों। बेनि सिगां इजराइल सान्थ्रफोरा फिलिस्ताइनखौ उदां खालामनो थाखाय बिथोन होदोंमोन। बे गाग्लोबनायाव सानै गथ’साफोरनि जिउ गोमायो, जेराव सा 8 सुबुंफोरा जोखोम

जायो। बेनि अनगायैबो तुफाह ओनसोलाव गंसे थाग्रा न’खौ नोजोर होनानै एयार स्ट्राइकआव गाग्लोबनायाव सा 18 सुबुंनि जिउ गोमादों आरो गोबां सुबुंफोरा जोखोम जादों। मख’नो गोनांदि, ट्राम्पआ हमनानै लाखिजानायफोरखौ उदां खालामनो थाखाय इजराइलखौ अरायथा नडै समनि थाखाय बमबारी होबथानायखौ बाख्यायदोंमोन, नाथाय हमासखौ हुमखि होदोंमोनदि, गोबाव दाखालाम, नडब्ला गासैबो खैफोदाव गोग्लैगोन। ट्राम्पआ बुंदोंदि, आं गोबाव खालामनायखौ सहायनाय नडा। फै जों बेखौ जेसेबां हायो एसेबां थाब खालामनि। ट्राम्पआ लिरदोंदि, जेब्ला हमासआ रोखा खालामो अब्ला दावहा दोन्थ’नाया थाबैनो गोहोम गोग्लैगोन, बन्धक आरो कै दिफोरनि सोलाय-सोल’आ जागायगोन आरो जों फै फिननायनि उननि खोन्दोनि थाखाय थासारिखौ थियारि खालामगोन। इजिप्टनि फरेइन एफेयास मिनिस्ट्रीआ फोरमायनाय बादिब्ला, समबारखालि बे सावरायनायाव हमास आरो इजराइलनि थान्दैफोराबो बाहागो लागोन।

पंगिं भिउ पइन्टआव सानथामनि उनाव

दावबायारिनि गोथै सह’ बोखांदों



गुवाहाटी, 5 अक्टबर: रैखाथि हान्जाया सानथाम नागिरनायनि उनाव 4 अक्टबर शनिबारखालि मोनाबिलिआव बिहारनि सासे 32 बोसोर बैसोनि सुबुंनि गोथै सह’खौ बोखानो हायो। बे सुबुड अरुनाचल प्रदेशनि पंगिं दावबायारि भिउ पइन्टनि साखाथियाव मोनसे गोथौ हाख’रआव गोग्लैदोंमोन। थैनाय सुबुंखौ गया जिल्लानि उमा शंकर होन्ना सिनायथि मोन्नाय जायो, जायखौ सियां आरो यामने दैमाफोरा गोरोबलायनाय जायगानि

खाथिआवनो मोन्नाय जायो। बिथानि गोथै सह’खौ गिबि खेबनि थाखाय 3 अक्टबरखालि नुनो मोन्दोंमोन। दैमा रुगुनिफ्राय 30-40 मिटारसो गोजौआव आरो 170 मिटारसो गोजानाव दंफनि दालायआव दिन्दोंदोंमोन। एसडिआरएफ आरो जायगानि पुलिसआ 1 आरो 2 अक्टबरवा गथै सह’खौ बोखानो नाजानायाव गोब्राब ओन्सोल आरो नांगौ रोखोमनि आगजु गैयैनि जाहोनाव फेलें जादोंमोन। इटानगरनि 12थि बेटेलियननि

नेसनेल एसडिआरएफ दोलोनि हेफाजाबजों 4 अक्टबरखालि मोनाबिलि 6:21 रिंगासोआव जागायफिन्नाय अपारेसनखौ जाफुंसार महरै फोजोबनाय जायो। मेब’पुलिस थानानि बिबानगोरा अकाइ चामाआ रैखाथि होनाय समाव मोगा-मोगि जानानाय जेनाफोर जैरे-अरायसम अखा हनाय, खुवा आरो फिस्लायनाय अन्थायफोरनि सायाव नोजोर होयो। बिथांआ दावबायारिफोरखौ पंगिं दावबायनाय समाव सांग्राडै

थानो खावलायो, जायखौ गोजौ खैफोद गोनां ओन्सोल होन्ना सान्नाय जायो। गोथै सह’खौ नख’रनि सुबुंफोरनो हगारनायनि सिगां पष्टमर्टेम खालामनाय जागोन होन्ना सान्जा सियां पुलिसनि सुपारिन्टेन्डेन्ट पंकज लाम्बाआ फोरमायो। उमा शंकरआ आसामनि धेमाजी पस्ट अफिसआव इन्डिया पस्ट पेमेन्टस बैंकआव कन्ट्रबन्वुएल एसिस्तेन्ट मेनेजार महरै साख्रि मावदोंमोन। जेब्ला बे जाथाया जायो अब्ला बियो साथाम लोगोफोरजों नुजाथिदोंमोन। मंगल यम्स’जों लोगोसे जायगानि थागिरि आरो सुबुं समाजनि दैदेनगिरिफोरा सान्जा सियां आरो गोजौ सियां जि ल ल फोर नि बिबानगिरिफोरखौ इयुननि जाब्रबथायनिफ्राय बारग’नो थाखाय पंगिं नुथायनि सोरगिदि रैखाथि होबथानायखौ फसंनो खावलायदों।

इजराइलआ गाजायाव आइडिएफ गाग्लोबनायाव सा 70 सुबुंफोरीनि जिउ खहा

गोदान दिल्ली, 5 अक्टबर: आमेरिकानि हादतगिरि डनाल्ड ट्राम्पआ दावहा फोजोबनायनि हेंथा होसेयावबो इजराइलआ शनिबारखालि गाजायाव गाग्लोबो। अल जजीरानि मोनसे रिपर्टनि बादिब्ला, शनिबारखालि इजराइलनि गाग्लोबनायाव खमैबो सा 70 पिलिस्ताइनी नोगोरारिफोरनि जिउ खहा जादों। थैनाय सुबुंफोरनि गेजेराव दाय गैयै गथ’फोरबो दडमोन। मख’नो गोनांदि, ट्राम्पआ इजराइल आरो हामासनि गेजेराव सोलिबाय थानाय दावहाखौ फोजोबनो नाजादोंमोन। ट्राम्पआ इजराइलखौ थाबैनो गाजायाव गुल-बारुदजों गाग्लोबनायखौ बन्द’खालामनो बिथोन होदोंमोन। बेनि उनावबो

इजराइलआ शनिबारखालि गाजाखौ गाग्लोबदोंमोन। बे गाग्लोबनायाव गाजा नोगोरनि सुबुंफोर, जाय इजराइलनि रैनिया थांखिफोरनि गेजेराव दंमोन, बिथांमोनहा बांसिन खहा जादोंमोन। अल जजीरानि रिपर्टनि बायदिब्ला, सावस्त्रि बिबानगिरिफोरा रोखा खालामदोंदि, बैयाव सा 45 सुबुंफोरा जिउ खोमादों। इजराइलआ गाग्लोबनायनि जाहोनाव गाजानि थागिबिफोरा बे जायगाखौ नागरानानै खोला गाजा फारसे थानो गोनां जादों। इजराइली आर्मिआ खोला गाजायाव थानाय मोनसे डिसप्लेसमेन्ट केम्प अल-मावासिखौबो गाग्लोबदों। बेनि



सिगांबो इजराइली सान्थ्रफोरा फिलिस्तानीफोरखौ जायगाखौ लादां खालामनो बुंदोंमोन। बे गाग्लोबनायाव सानै गथ’साफोरनि जिउ खहा जायो, जेराव खमैबो सा 8 सुबुंफोरा जोखोम जायो। बेनि अनगायैबो तुफाह ओन्सोलाव गंसे थाग्रा

न’माखौबो एयार स्ट्राइकआव गाग्लोबनानै सा 18 सुबुंनि जिउ खहा जायो आरो गोबां जोखोम जायो। मख’नो गोनांदि, ट्राम्पआ बन्धक फोरखौ उदां खालामनो थाखाय इजराइलखौ अरायथा नडै थाखाय बमबारी

होबथानायनि बाख्यायदोंमोन नाथाय हामासखौ हुमखि होदोंमोनदि, गोबाव दाखालाम, नडब्ला गासैबो खैफोदाव गोग्लैगोन। ट्राम्पआ लिरदोंदि, ‘जेब्ला हमासआ रोखा खालामगोन अब्ला दावहा दोन्थ’नाया थाबैनो गोहोम गोग्लैगोन, बन्धक आरो केदिफोरनि सोलाय-सोल’ जागायगोन आरो जों फैफिन्नायनि उननि खोन्दोनि थाखाय थासारिखौ थियारि खालामगोन। इजिप्टनि फरेइन अफेयास मिनिस्ट्रीनि बादिब्ला, समबारखालि हामास आरो इजराइल मोनैनैनिबो थान्दै हान्जाफोराबो सावरायनायाव बाहागो लागोन।

दानफ्रोमबो साखि मावग्राफोरनि बेथननिफ्राय दान्नाय रांखान्थिनिफ्राय मुलाम्फा मोनो मिबथिगौना?



गोबां सुबुंफोरानो सरकारि आरो सरकारि नडै फसंथानफोराव खामानि मावो। बिसोरनि गेजेराव गोबांआनो सिटिसिआव नोजोर लाखिया। बेयाव नोजोर होनाया गोनां। मानोना बिसोरनि सिटिसियाव पिएफनिबो रांखान्थिआ डिडिक्ट जायो। इपिएफ एकाउन्ट आव बोसोरफ्रोमबो जॉनि सेलारिनि 12 जौखोन्दोआ पिएफ फान्डआव ज'मा जायो। मावफारिफोरजों लोगोसे फसंथान एबा कम्पानीआबो बे फान्डआव गावनि बिहोमा

होयो। रिटायारमेन्ट फान्डनि अनगायै इपिएफ एकाउन्डनि माखासे गुबुन मुलाम्फाबो दङ। बेफोर मुलाम्फानि बागै गोबांआनो मिबथिया। दिनै जों इपिएफ एकाउन्डनि मुलाम्फानि बागै गुवारै मिबथिहोगोन।
1. प्रभिडेन्ट फान्ड: बेयाव सासे मावसुमाया इम्प्लइ प्रभिडेन्ट फान्ड (इपिएफ) आरो इम्प्लइ पेन्शनस्कीम (इपिएस) नि मुलाम्फाखौ मोनो। बे फान्डआव रिटायारमेन्टनि उनाव मावसुमाया पेन्शनबो मोनो। अदेबानि पेन्शननि मुलाम्फाखौ

58 बोसोर बैसोनि उनावबो मोन्नो हानाय जायो। बेनि थाखाय सासे मावसुमाया खमैबो 10 बोसोर साखि मावनांगोन। इपिएसनि गेजेरजों दानआव 1,000 राडै पेन्सन मोन्नो हायो।
2. इपिएफ अ: बेयाव मावसुमाया नमिनेसननि मुलाम्फाबो मोनो। बेयाव जुदि इपिएफ एकाउन्ट हल्डारआ थैयोब्ला नमिनिया पिएफनि रांखान्थिखौ मोनो। फारसेंथिं 8.25 जौखोन्दो हिसाबै सुटखौ होनाय जायो।□

आय सिखोला

आय, सिखोला आखाइआव लरहायनाय बिबारनि माला राव गैया फाव गैया खोमसि दरसि थायो नों मेगनाव थरथिंसे मोदै लाना सम-सम बारदै सिखोलानि महर नों दगाबसै सिखोला दगाबसै नों दसेनि थाखाय जोमैआ सागलोब दोंमोनब्लाबो अखा खोरोमनाय सोदोब जों आदा फंबाय रावआ दानथि जादोंब्लाबो सोरां फिनबाय सिखोला दगाबसै सिखोला दगाबसै नों उन दाहा दाखालामसै नों उन दाहा दाखालामसै नों सिखोला मिथिया सिखोला लाफा सायख गाबदों ना गाबाखै गाबज्रि दों बर बिमानि राव हा,फिसा हौवा हा,फिसा हौवा गोमादों सोरनिबा फिसा मोनगोनबा सोरखौ बबे हवथायाव। आय, सिखोला बिबारनि महर लाना बारो नों आनि दरखं सेराव।

सचिन बसुमतारी
जिला- चिरां, बि.टि.सि.,

बर' हारि

बेसेदि समायना फैलाव गुवार..... गोगोम सोरगिर्दि हाजो हाला दैमा-दैसा जिरि जिरि आय' बेयोदि बर हारि। बेसेदि गोदै मिलौदो बर' बिमानि राव, बेसेदि ख'हाब गोनां बर' बिमानि हारिमु, जोहोलाव-जोहोलावजोफोर सोमदोम दैमालु बिरगोस्त्रिमोननि बिखानि दुंबुद थैजों दाजानाय नोंदि बर' हारि। सोमखोर मिथिंगानि बिफां लाइफां दावसिन एम्फौ एनलाफोरा जेब्लायबो रोजाबो देंखो मोसायो अराय देमग्लाय-देमग्लाय आय' बेफोरदि बर' हारिनि असे आंगो लोगो। जेना बर' हारिआ फासया बर' हारिआ दावगाफिनगोन सानसे आगान सुरगोन बर बिमानि फिसा दानो गेरैमसा हारि बेनोदि आंगो बर' हारि।

मुस्रि जनन कुमार बसुमतारी
खुंघ्रि फरायसालि
गामि- खरफागुरि (खुंघ्रिं)

गोथां जारिमिन

नों खुबैहरनाय अन्थाया आनि खाफालाव थै बोहैदों बे थैजों आं हांखो लिरगोन राव गोमाजानाय खुगाया बिखायाव गोफार जं सुदों।।

नों होबथाखोलाय मा जाखो बे थैनि हांखोआ जागोन आनि थानानै थानाय जारिमिन नोंजों सुजानाय रावफोरखौ लिरगोन गांसे गोथां बिजाब।।

नों बेंगलोबनानै लाखि आनि गोजोन जिरायसालि आं उदां खालामगोन नोंनि बायगर आखुनिफ्राय।।

अख्रांजों हान्थिलांखालिनि सानाव नों बुजिगोन आं सोर ? सोर आं ? आंबो नोंबादिनो सानैसोनि आलासि नोंनि बायगरखौ होबथानोसो होसोदोंमोन उन उन।।

किरन बर'
गोदान दिल्ली

‘जों लुबैसुला’

बुहुमाव जोनोम जानायमानि गासै सुबुं, जों बयबो लुबैसुला जेखोबो मेगन खेबो, मोजां जा, गाज्रि जा बेयो आंगो।

जों मानसि जिउआरि.....!! उदैनि थाखायल' मोनजानांगौनि लुगैनाया, थारै बे मोनसे खोमसिनि लामा। मानोना गोथार लुबैनायनाया सिमां होसोनायनि मोनसे हाथियार आरो थोरोमबादिखा।

जों मानसि जिउआरि.....!! जोंनि थाना थानायनि आदबफोरा, दाउ, अमा, बोरमाफोर बादि नङ। जोंनि मेलेमफोरा बाहायनो रोडोब्ला गोबौ, बेनिखायनो जों लुबैसुला। लुबैनाया जोंनि हुदा नाथाइ गाज्रिखौ दालुबै, जाय नोंनि खहा लाबोयो लुबै फिथाइ गोनां हाबाखौसो।

जों लुबैसुला.....!! नाथाइ नांगौनि बारा लुबैनाया भाब, मानोना मोनफ्रोमबो जिरादा गावनि थि सिमा थायो। लुबैनाया सुबुनि आंगो हुदा, जों बयबो संसारनि लुबैसुला बाहागो।

सुमित्रा बसुमतारी
चिरां

रंजालि गथ'फोरनि सौरा

सोंथि ?

थारैनो बुहुमनि रोजाबां बर' माहारिया दिनैनिल' खोथा सानना इयुन रेखाथिखो खोमाना लासिगोननामा ?

बुजिस'हायै गोसोखौ दबथायनो नागारना थाना थानायनि राहा नायगिरनायाव फेलें जामारबायनामा ?

आसि गोलावफोरजों बुरखायजाना हारिनि सुख'हायै ख'हा जागोनखौबो सिनायनो गोब्राबसैनामा ?

खर'आव अन्थाइ थाफा गोग्लैसिनब्लाबो हाथरखि थुख्लायनो नाजाग्राफोरा सिखारनो रेंथारलियानामा ?

आसुगुर गावगासे जोंनि बर' हारियाव देबोर नांनाय सोदोबफोरजों सोंखारिलायनाया थад'रेंलियानामा ?

मेगन गोसाफोरजों नासयजागोनखौ मिथिसेयावबो अखाफोर थैहाबनाय गोसोजों हारिखौ दैदेनलांगोननामा ?

गोथां गोसोनि जब्रायाव गोग्लैना गोमोन आखाइखौ बुफायना मोन्थाइखौ खोमाना लाफिनगोननामा ?

सालाइ बिजौनि बाभ्राफोरजों गेलेनानै दाउसा मावरिया जानाडोब्ला दायनिगिरिया सोर जागोन ?

आगान होजेननाय सानखालिनिफ्राय मोनफ्रोमबो दिगाव लामा गाथेजायोब्ला दुखुखौ सोर सहायगोन ?

बिदा-फंबाइनि सोमोन्दोखौ नेवसिनानै गावजों-गाव खिबु सावलायनायनि अनजिमाखौ फोजोबस्त्रांगोन सोर ?

निजोम बर'
पश्मिम पानेरि, अदालगुरि

सैथोआ आथिखालाव सहायथावि जाबाय

सैथोआ आथिखालाव सहायथावि जाबाय समायनानि गोमालांनाय गुदि खोथा सिखांनो थाखाय आगान होनाय

आसारखान्थिखौ आलादायै दोननाय जादों समाजनि सोलिनायफोरखौ होसो नांनाय नंखायजों बुंफबनाय सम थासारिफोर

सबिराम बसुमतारि
राबां, बाक्सा

संसारनि लैथोयाव थब्ल'बावो

मा मावना मा दांना जागोन नोंसोर उन्दै समाव जुलि जायै जायै

मा गियान दंजायो आरो नोंसोर नखर संसार दैदेनत्रो हानायनि

जाय समा नोंसोरनि फरायनाय सम आरो गियान सोलौंनाय आरिनाय

बे बादि बिलियाव नोंसोर आरो संसारनि लैथोयाव थब्ल'बावो

अन्थाय बिखा नडा दे जिउ मोनसेआ

मिनथिबाय र'जे सान्नानै फोथाय हादों नोंखौनो मिजिं खालामना नेबाय जखानि जागोनलाय।

बोथोर बोथोर समानाय गोसो गोबोंआवनि बुब्लि हास्त्राव हाबादिथ' नङ रज'रोडैसानथ नङ।

आदासस्त्रा जागोन सान्नाया गोलाव हां लाबानो नों गोसोखांबानो नुहरो मुस्त्रि नों आनि गोहोनि सानस्त्रि।

नेवसि नाङ अन्नायखौ आखुआ आनि अरायबो नोंजोंनो सिमां साजायनाय अन्थाय बिखाथ नङ दे आनि जिउ मोनसेआलाय।

हेमन्त स्वर्गीयारी
गोदान दिल्ली

ट्रांक गंसे

बिर नों... उदाडैअखोराङव उरां जाहाज जानानै, बिरबायानो था नों... नैबे-बै गाथोन गाथोन नों बिरबायनाव मानिथो बबे बाहाय हेंथा होनो। उदाडैबिरबायग्रा दिङ नों, नों बिरथिं बायनायनि अनगा गुबुन हाबा मा, थानो हाथावगौ... ? नाथाइ सानसेखालि, नों होना गालांनाय बजायआ गिलिरैनो दङ आनि आखाइ मुथेआव। दाबोनो थाबाय थिंबायबायो आं नोंखो लोगो हमनो नोंनो गथाइना होफिननो गालांनाय बै नोंनि अजननि बाक्सु ट्रांक गंसे।

फोजा बसुमथारी
पाटगाव, कक्राझार

हांमा दादोनलां

आंखौ नों हांमा दादोनलां सना आंखौ नों हांमा दाख्तामलां दुखु दाहा हांमा समाव नुयोबोला सना नोंखौ बारनाय समाव स्रां गोजोन मोनो अमबासि दुखु जिउआव। आय' बारनाय नों समायना गलाब बिबार मा मैया माया महरा नोंनि हायना गोनां मुजिनाय नोंनि अन्थाव-खुदुमथाव, बिखायाव अराय बज'बना लाबाय थाथाव-थाव नाथाय मा माया जिउआ नोंनि अराय सम थाबाय थाया दान्दिसेनि दुखु नांथाव बोदोर जाथाव नोंनि बे बायदि दिनैनो बारनाय गाबोन्नो ब्रय सिरिलांनायाव। फुं बिर् लनि सान जारा समाव गावलां-गावथां बिबाराव बेरे सिखिरिआ बिरबायनानै नोंनि बिखायाव बानानै बिदै सोबो जेब्ला मिथिया सना दं आं बबेयाव अब्ला। आय ! ओइ गलाब बिबार सना बारनानै नों दा सिरिलां आंखौ नों हांमा दादोनलां।

रहितो बाला बसुमतारी
बासबारी
ला:सो:- बिशामुरी
जिल्ला- कक्राझार (बि.टि.सि.)।

लिरगिरि - रैदोम बर', बाक्सा

सुंद’सल’

अनिल कुमार त्पस्

अखानायसि–नायसि तफेना मोनसे आरजाथारै सिमां नुदोंमोन।

खोमसि हर गेजेराव बियो बबेबा मोनसे गुदु हाग्रा गेजेरजों थांफेरदोंमोन। ओजों ह’जों फेसा गाबनाय, सियाल ह’ब्रानाया खोमसि हरखौ गिथावसिन खालामदों। थेवबो बियो आवगायलांदों। लामा स’सेयाव मोनसे दन्दर लामाजों एरसो लांदों गोथौनिफ्राय गोथौसिनाव। एसेयावनो मोनसे सोदोबनि रिंखांनाया बिखौ बाग्दाव होयो। बियो गोजांफ्रिउ मोनो। थाद’ब्ला सोरबा हिन्जावनि दुखु गोनां गाबनाया रिसारो, “नोंसोर आंखौ निमाहा हो। दाया आंनि नङ, मानोना आं इसोरनि फिसा नङ। नोंसोर इसोरनि फिसा। आंखौ रैखा खालाम।” बे गुदु हाग्रायाव खोमसि ह’र गेजेराव सोर जाखो हिन्जावआ, सोर गाबखो ? गाबनाय जायगाथिं नायस’है ब्ला बनि मेगन नोजोराव गोग्लैनायसै सासे हिन्जाव दिन्दां फासि नॉनाय! एसेयावनो बियो सिरि मोनदों। नुफेरा नुफेरा मैया मैया सिमां! गुदि गैया, खिथा गैया मा इसोरनि फिसा, इसोरनि फिसा: सोर मानसिनि फिसा, सोर इसोरनि फिसा ? खैदांफोरसो जाबायगोन नामा ? दा बेलासियाव खिन्था नांगौ जाबायसिमांनि बाश्राखौ बिथां जयन्थनो। मा सानगोन बि ? हो, हो मिनिगोन ? नाथाय जयन्थखौ ज’खोब्लासो तफेननि गोसोआव अनजालिनि सावगारिया जाखोंफैयो। दासान्दि सानैखौ लानानै बायदिसिना ‘सल’ ओंखारदों जे जायगायाव। जयन्थ आरो अनजालि; अनजालि आरो जयन्थ। जुलि जाबायबायोब्ला समायथारगोनबो सानैजों।

गंसे गोजौ फरायसालिनि फोरोंगिरि जयन्थ। मानसिया जायगानि नङ। सहराव न’ बाह्रा लानानै हासिंङै थायो। बेवहा बोसोरनै जाफ्रामबाय। गावनि न’आ सहरनिफ्राय गोजानाव नङ। बि, ए, फेयेल जानाय बेखार सेंग्रा

वल्ड सेम्पियन डि. गुकेशआ हिकारु नाकामरानि हैंथायै जेन्नायजों मोगा-मोणि

गोदान दिल्ली, 5 अक्टबर: बुलेट चेस गेलेनायाव गुकेश डम्मराजुखौ मुलुगनि 2 थि गेलेगिरि हिकारु नाकामराआ फेजेनो आरो बेनि उनाव वल्ड चेम्पियननि जायगा आवग्रिनो हायो। बेयो दिन्थिफु’नाय हाबाफारिया इउएसए आरो इन्डियानि गेजेराव जादोंमोन, जेराव भारतनि हान्जाखौ आमेरिकाजों 5–0 आव फे जेन्दोंमोन। गेलेनाया 1 मिनिटनि बुलेट मेचआव सोलायनायनि सिमां गुकेशआ 10 मिनिट आरो 5 मिनिटनि खेलाखौ इ खालामनो हादोंमोन। बुलेट मेचआव गुकेशखौ नाकामराआ उरनि रेंकआव चेकमेट खालामदोंमोन आरो गुबुन सासे बिशपआ बिशपखौ खारखोमानायखौ होबथादोंमोन। 1 मिनिटनि गेलेनाय समाव गुकेशआ दसे समनि थाखाय गोखों खाबु लादोंमोन आरो इभालुएसन बारआ फोरमायोदि बियो

तफेना सहरावनो हलि–गलि खालामबाय थाग्रालाय थाबनो जयन्थजों सिनायज्लायदों। बाडाय समनि गेजेरावनो सोमोन्दो गोनां खालामदों। गुलि–गुलि । गाव साउसुब खुगा गेबेंखायनो बियो हौवा हिनजाव, बोराय–बुरै बयजोंबो गोमोन जानो हायो। बेखायनो संसाराव जानाय जाथायफोरनि बनि खोमा फारनैआव थोंजोंनो हाबफैयो। आर अनजालिया गामिसेनि खुरमा जानाय; सोमोन्दोआव गावनि बिनानाव जानाय। देग्लाय जि थाखोआव फरायो। बिखौनो टिउसन लादोंमोन जयन्थआ साखान्थियाव। गावनो रायज्लायना थिक खालामदों। नायनो मोजां जयन्थआ एसे गोमोथाव आखुनि। गोमजोर। खोथा खम बुङे। जि, बुङे थार बुङे; खोथा फंसेनि मानसि जयन्थआ बनि रायनाय, फाव–फेसन, हिर’ एबा एक्टर बादि होन्ना फरायसाफ्रा बुङे। हिन्जावआ सोर जाथावगौ अंख’खालामना नायो। फिनखोयाव मोनो थाखोसेयाव फरायजाबनाय अनजालि। जाहोना, बिखौजे जयन्थआ हासिंङै टिउसन लायो।

फ र ा य स ु ल ि य ा बेबायदि सावरायनायाव आगानसे बाराबाव। बिसोर बुङे, “अरनि खाथियाव घिआ आवलिखागोन। अनजालिनि घि खे–सानाय ? टिउसन लानानै फरायनायाव लोगो फ्रेपेयार्ड जाना थाब्ला जानाय नङ; लोगोसे लाइफ के रियार आबो मसबुत जाफानांगोन। बि, एस, सि (अनार्स)। हेन्डसाम। दा मास्तार मालाय मा जानो ? फिउसारथ’ दं। खाफाल हाय खाफाल! अनजालिनि घि खाफाल। बेबादि सेंग्रा मोनोब्ला दा बादियाव फरायनायखौ ज्राव गारनानै खारसन हैसिगौ आं।” स्ताबआवबो गरन्थ’ हाब्बायमोन। दिनै टिउसन दं होनब्लाबो साफा–सानै सेंग्रा फोरोंगिरि फ्रा। मिनिफुं होगारनायखौ तपेनहा नोजोर दं।

सिगांथिं दं। गोखों बादायलायनायाव नाकामरानि रोंग’थि गोनां सासे गेलेगिरिनि बेरेखायै, बे गिबि आवगायनाया ओंथि गैयै जादोंमोन मानोना नाकामराया गोखैनो टाइमआव जायगा मोनो हादोंमोन आरो जोबनायाव चेकमेट होनायनि सिमां गुकेशखौ नारसिन्दोंमोन। गुकेशखौ फेजेन्नायनि उनाव नाकामराया रंजानायाव मासिनिफ्राय बाजुमदोंमोन।

नाला मोनाब्ला खौराङ एरैनो बिरफुङ। अनजालिया गावनो बुंनानै लादों।

बेलासियाव। “मा नोंथां मास्तार बाबु, मा खबर ?” “मास्तार मानसिहा मा खबर थाबावनोथो! बेनोसै, जानाय–लोंनाय आर थांलाय– फैलाय।” “मानो ? बे लाभ लसनि बाश्रायालाय! माथो नोंथानि साश्रनि बिमा–बिफाया नोंथांखौ खोब अनसो गारो।” “अनोथ, अनो। नाथाय जायनिफ्राय मोन्नांगौ, बनिफ्राय अन्नाय मोनाब्ला अनजानायनि बेसेना बहा ?” “आरे बावदा! फिसानि खाथिराव बिमानि गोर्देंन! बिमानि गोसोखौ गलि होनो हाबायब्ला, फिसाखौ आर मा बोलो! फिसाया बिमानि आफाखिसो।”

“अफ’कर्स। न्द्रायै नङ नोंथानि आर्गुमेन्टआ। नाथाय खाफाल दाखुरा जों। जोथि अनजालिबादि सिख्लानि खाथियाव गसंदेरफानो समायो ? मालाय इयुन दं: कलेज फरायगोन, डाक्टर, इनर्जिनियार, अफिसार फिसाय मोनगोन।”

“दोन दोन नोंथानि खोथाया। सोर साबेसे बर’ हिन्जावफ्रा डाक्टर– इनर्जिनियार–अफिसार फिसाय मोनदों। आरे जयन्थ, अनजालिया दहाय आंनाव फैदोंमोन गावनो मोनसे टप सेक्रेट फोरमायदों।”

“मा फोरमाया ?” “जयन्थ, नोंथाङा फोथाय; बेफोर फोलानाय बाश्रा नङ। गाव बुंथिनो हायैलाय बियो आंखौ हमदों। नुजेन्नायावनो गोसो थोदों होन्दों नोंथांखौ। अनजालिया लुबैयो नोंथानि गोसो, बिखा–बिख्लो। नोंथांहा हामलायनाय दंफा ?” जयन्थआ सिरि थादों। बायजोथिं गोजानाव लाथिख’आव नायख्लेंहरदों बेसेबा गोबाव। उनाव खुगा बेखेवदों, “नोंथाङा आंनि आंगोनि लोगो जाबाय जेब्ला,

नोंथानि सिगाङाव बाश्राखौ

दोनखोमानाया गाहाम जानाय

नङ। अनजालिया गोसो थोनानै

गोरोन्थि खालामबाय। बबेखानि

गोसो थोनायानो गोरोन्थि। लाभ

एस मेयार फली।”

बेनिफ्राय जयन्थआ फोरमायलांदों गोर्बोनि खोथा, जिउ जारिमिन:

जयन्थनि मथे, गोसोथोनाया मोनसे बेराम। सोखानो हायै बेराम। सोरनिबा फासैं गोसो हगारसारोब्ला बे गोसोखौ लाबो फिन्नायानो जोबोर गोब्राब। गोसो मोन्नायनि सिगां जखा सुयै आरियै गोसो हगाराब्ला बे जेथो गोनां मुगायाव खैदांनि बेहेरावसो गब्रायनो हागौ। ...बेहेरावनो गब्रायदोंमोन जयन्थआ गावबो। मेट्रिक पास जानानै गावनि जिल्लानि सदर ककराझारआव फराय हैदोंमोन जयन्थआ। कलेजआव फरायबाय थानाय समावनो मार्टिना मुंनि सासे खृष्टान धोरोमारि सिख्ला लोगो मोनदोंमोन बियो। एरैनो सिख्ला समाव मोजां नुखायो हिनजावफोरखौ। मार्टिनाया साबद्रायबाव। गोबां सेंग्रानिनो सिमांमोन मार्टिनाया। नाथाय सासे हिनजावआ साफ्रोम हौवानिनो सिमांखौ मोकथां खालामनो हाया। बियो मेगन खेबदों जयन्थखौ। जयन्थजों बियो अन्नानै नामसि नामसि खालामो। हिनजावफोरनि खाथियाव फैफेरै जयन्थआ दहमैनो मार्टिनानि फासैं लेमलांदोंमोन। बेबादिनो मोजां मोनज्लायदोंमोन। जयन्थआ गाव मार्टिनानि खर’आव दॉनानै बिखौ फोथायहोदोंमोन, “मार्टिना, नों नङाब्ला जिउआव आंहा रावजोंबो हाबा जानाय नङ।।”

नाथाय, समायखौ लाब्लानोथ’जाया! फोरमान होनांगोन। बेनि बोसोरनै उनावनो जयन्थनि अर आनजाद ? फि, इउ, सि आनजादआव उथ्रिनानै जयन्थआ ककराझारआव अनार्स गैयैनि सिलङाव फरायहैदों फेजिक्सआव अनार्स लानानै। मार्टिनाया पेल खालामदों। बे बुब्लियानो जयन्थनि थाखाय गाज्रि आरो दुखुगोनांमोन। मार्टिनाखौ बियो लाइजामजौल लोगो हमनांबाय थादों।

मार्टिनाया फिनखोआव सम सम सदबांसानि बाश्राखौनो

रायखांहरबाय थायोमोन। नाथाय

एसेयावनो बि, एस, सि, नि

जोबथा आनजाद सोलिफुबाय

थानाय समावनो खोनाबाय–

“मार्टिनाया हाबा जाबाय सासे

डाक्टरजों।”

माब्रै जाखो ? बाश्राया नंगौना नङ सुलाद लानानै मार्टिना मोन्नाव थोंजों फैदोंमोन जयन्थआ। नुफै दोंमोन, मार्टिनानि हाबानि गालांनाय सायराब नेर्सोनफोर। बनि गोसोआ बायफ्लेदोंमोन; हज्रि हज्रि बुंनो लुबैदोंमोन, –“मार्टिना नों मा खालामखो ?”

नाथाय, मार्टिनानि दायखौ बिमायानो बानस’नानै लादोंमोन। बुंदों, “मा खालामनो जयन्थ। मार्टिनाया गावहानो गोसो गैयामोन। नाथाय बियो आंनि फिसा। फिसानि गोसो सुखु गोजोन्नि थाखाय सान्नांगौ बाश्रायाबो आंहाबो दङ। खोनासंनो गाज्रिब्लाबो बुंनांगौ जायो। नोंसोर हिन्दुफ्रा जेरै जों खृष्टानफोरनो मोसौ बेदर जाग्रा होन्नानै मुगैयो। बिदिनो जोंहाबो हेंथा दङ समाजआव फिसा। हिनजावफोरखौ हिन्दुनि नख’राव बिलायनाय जाया। बिब्दि खालामब्ला हिन्दु खृष्टान समाजखौनो सोलिनाय जागोन।‘अ, खोथाया बेवसो नांदों! जेखि जाया, –आं मार्टिनाखौ खेबसे लोगो हमस्रानो मोनब्ला हामजागौमोन–; मार्टिनाखौ आं नायस्रानो लुबैदोंमोन।”

“नोंनि गोसो। नोंनि लुबैनायखौ आं माब्रै हेंथा होनो ? नाथाय नों नुजा हैमारोब्ला फिसानि जिउआ देबोर नांनोबो हागौ।।” मार्टिनानि जिउखौ देबोर फान्नो सानाखिसै जयन्थआ। गावनो बिखायाव हाजासे दावदाब लानानै सिलङाव थांफिनदोंमोन। आद्रा

थानाय प्रेकटिकेल आन्जादखौ गोसो गोर्बोंयै होफुदोंमोन। थिउरीआ जोबखांबायमोन। आनजादआव बियो उथ्रिंदोंमोन। बेनि उरनि समा फोरोंगिरि महरै दा जेरै नुदों। बे हाबाखौबो नाथाय जिउनि राहा हिसाबै लायाखै। बर’ बिजोंजों फरायनाय बर’ फरायसा फोरनि एसेसो हेफाजाब होनानै हारिनि फासैं एसे सिबिनाय जागोन। गोसो जाब्ला बियो जायखि जाया समावनो बिबान एंगारनो हागौ। इउनिभारसिटिआवसो फरायहैनो हागौ। नाथाय जायहा जिउआव जेबो हाबिलास गैला, बिहा फरायनानै माथो जाबावनो ? बे जादों जयन्थनि बाश्रा! दा अनजालिया जाथायखौ खोनाब्ला माबादि जागोन ? सिबाय अनजालि! नुजेन्नायावनो गोसोथोदों आरो गोसो थोजेन्नायावनो रयसिगोन!

नाथाय अनजालिनि गोसोआ रयाखै। लेथाया गावहानो नांबाय तफेनहा। आखायाव जौनैरां गथायनानै सानसे बुं’बाय “आदा, बिनानावनि फासैं अन्नाय दंब्ला आंबो मार्टिनाखौ बेसिम लिंबोनाय।”

एंब्रादोंमोन तफेनआ। नाथाय अनजालिनि गाबफ्राम गाबफ्राम जालायनायाव आरो दहाय लालायनायाव बियो ओंखारनाङो डाक्टरनि न’ फासैं। गुबुन सहराव। माट्ठािखौ जयन्थनिसिम लेंबोनो तफेनआ गोब्राब जायाखिसै। जयन्थखौ खेबसे लोगो हमनो गोसो दंखायोमोन बिहाबो। बिजों लोगोआव सासे हौवासा गथ’। गावनि गथ’।

जयन्थनि थाग्रा न’आवनो सानसेखालि बिसोर ज’ जुथुमलायनायबादि जायासै। जयन्थ, मार्टिना, अनजालि आरो गाव तफेन। बिब्दि जथुमलानाय जागोन सानफेराखैमोनदां सिबाय जयन्थआ। सिबाय एसे गोमो

हाबदों। मार्टिनायाबो बाश्राखौ जुरिदों, “आंखौ निमाहा होदो जयन्थ। आंनि गोरोन्थि जाबाय। नोंखौ आं एसेबां पारपेक–ट्मेन सानाखैमोन। खाफाल मोजां आंनिनो बिबादि सेंग्राजों आं मोजां मोनजादों। आंनि फिसाय डाक्टरआबो नोंबादिनो मोजां मानसि। दालाय माथो जादों हिन्जावनिथ’ आंखाल गैया। खथ आंनिखुइ साबसिनखौनो मोनगोन। बिलाय अनजालि बिनानावआनो आंनिखुइ बेसेबा गुन साबसिन। समायखौ नों फोरनो हागौ। फोरबानो जाबाय।” “बेल’ बाश्राया बेखौनो बुंनो फैदों नों।”

“दङ जयन्थ। बाश्राया जोबाखै। थार बाश्राखौ आं दाबो बुङाखै। हयथ’ नों बेफोरखौ नंखायसो सान्नो हागौ। हौवा मानसिथ’! जों हिनजावफोरा संसारनि बाश्राखौ जोबोरैनो सिन्थिहाबो नोंसोर हौवाफ्रा जेरै मुलुकनि बाश्राखौ सिन्थिहाबो। जीसु, कृष्ट, हजरत। आं माब्लाबा सानहाबो–जीसुआ ईसोरनि सासेल’ फिसाब्ला, कृष्टआ गावनो ईसोरब्ला आरो हजरटआ आल्लानि जोबथा फैगन्बरब्ला, बुंनांगोन हौवाफ्रा ईसोर एबा ईसोरनि फिसा। हिनजावफ्रा मानसिनि फिसा। बेखायनो हिनजावफ्रा लोर्बा। लोर्बा हिनजावफ्रा हौवाफोरनि सायाव जायाब्ला राहा गैया। आंहाबो राहा गैयामोन। आंनि फासैं खथ’ मानसिनि नोजोर गोग्लैदोंमोन। आं गिखांदोंमोन। थानाय–फैनाय जेरावबो खैफोद गोनां मोनदोंमोन। आं बुजिदोंमोन, आंखौ संसारनि मानसिफ्रा सिख्ला हिसाबै उदाङै थांनो होआ। आंनो नांगौ जादोंमोन सोरबा सासे सेंग्रानि महर। नोंनि सेराव थाफनानै आं गावखौनो गोगोम मोनदोंमोन। बे समाव आं हाबानि बाश्राखौ सानथ’याखैमोन। पि, इउ आव खेबनै गादिलन्नायनि उनाव मेगना गेवदों– फरायनायनि

अल्टारनेटिभआ हाबा ल’सै। नाथाय सोरजों ? जयन्थजों ? जयन्थआ मोजां मानसि। आं बासिया। नाथाय हेंथाया: बियो हिन्दु; आं जाबाय खृष्टान। समाजनि नेमखौ गनायोब्ला हाबा जानो हाया। बिदिब्ला दाया आंनि ? नेमखो सोर बाहायखो ? हारिनि गेजेराव गावस्रानायखौ सोर लाबोखो ? आंनि सान्नायबादि समाजआ सोलिनो

ह ा दों दा बि ? जेखिजाया, नोंसोर हौवा मानसि, ईसोरनि फिसा नोंसोर। एसेयावनो मानो नार्भास जाखो ?”

“हिनजावफोरा जेरै खोथानि रज फुन्नानै फुस्लायनो गोर्ों, बेबादिनो थास्लिमनोबो गोर्ोंथार। आरो नार्भ! नार्भआ आंनिया बेसेबा सिगाङावनो

(*ह 6 बिलाइनिफ्राय*)बायखांबाय।” बुंनानै जयन्थआ फरायसालिनि गाहाय फोरोंगिरि थाग्राथिं बं– बं ओंखारलाङे। मानो ? उनाव खौरां मोन्दों जयन्थआ साखिखौ एंगारबाय। साखिखौ एंगारनायल’ नङ, सानैसोनि उनाव जयन्थआ जायगाखौनो अरायनि थाखाय नागारलांदों। मार्टिनाया बै दिनखालिनो न’आव थांफिनदों। नाथाय बेफोर एसेबां मानि सान्नांगौ बाश्रा नङमोन। नाथाय बिखा खामथाव–थाव बाश्राया– जयन्थ थानायनि उनाव अनजालिया फासिनांनानै थैदों। तफेना बाश्राखौ बुजिनो हाया–हाया जायो। मुलुगखौनो बियो आनज्लेद नुयो। बनि खुगायाव माखासे सोदोबफ्रा ओंखारबाय थायो–“गोमोथाव! संसारनि मानसिफ्रा गोमोथाव। संसाराव दं–ईसोरनि फिसा आरो मानसिनि फिसा, सोर मानसिनि फिसा आरो सोर ईसोरनि फिसा ?” सिमाङाव नुनाय जाथायफोरा बेफोरनो नङमोन ? जयन्थनो फोरमायनाय जायाखिसै– नाथाय सिमांनि बाश्राफोरखौ।□

बोथोर बिज्ञान मिरुनि सिगांग्रो फोसावथाइ माखासे जिल्लाआव रेड एलार्ट, अरेन्ज एलार्ट आरो येल’ एलार्टनि सांग्रांथि फोसावदों

डिजिटेल डेस्क, 5 अक्टबर:

आफां आसामनि गासैं जिल्लाफोराव दिनै गोखोंथार अखा हानाया सरसनस्त्रा जिउ खॉनायाव जेंना सोमजिहोदों। बेबायदि समआव राइज्योनि राजथावनि गुवाहाटीआवबो बोथोरा जोमै दाखिफबनाय थासारियाव थादों। जायगा–जायगा थाद’नाय गैयै अखा हाबाय थादों। फारसेथिं धुबुरी जिल्लानि दाब–दाब जायगायाव गोखोंथार अखा हानायजों लोगोसे बारहुंखा बारदों। बेबायदियाव थाद’नाय गैयै से खावसे घन्टा नाडै बारहुंखा–अखा हानायनि जाहोनाव जिल्लानि माखासे ओन्सोलआव गोबां खहा जानायनि खौरां मोनो। बेनि गेजेरावनो बरझारआव थानाय ओन्सोलआरि बोथोर बिज्ञान मिरुआ दिनै फैगौ 7 साननि थाखाय बोथोरनि सोमोन्दै सिगां सांग्रांथि फोसावदों। बेबायदियाव दिनै कक्राझार आरो चिरां जिल्लाआव अखा आरो बोथोरनि सोमोन्दै रेड एलार्ट फोसावजादोंमोन। खोला–सालमारा–मानक ासार, गवालपारा, कक्राझार, चिरां, बरपेटा, बङाइगाव, नलबारि, कामरुप (गामियारि), कामरुप (नोगोरमा), सोनाब



कामरुप (गामियारि), कामरुप (नोगोरमा), दरं, उदालगुरि, सोनाब कार्बिआंलं, सनितपुर, धेमाजि, डिब्रुगढ़, तिनसुकिया, दिमाहासाव, काछार, हाइलाकान्दि आरो श्रीभुमि जिल्लाआव येल’ एलार्ट फोसावदोंमोन। गुबुन फारसे बेबायदिनो गाबोन 6 अक्टबर समबारखालि धुबुरी खोला सालमारा–मानक ासार, गवालपारा, कक्राझार, चिरां, बरपेटा, बङाइगाव, नलबारि, कामरुप (गामियारि), कामरुप (नोगोरमा), सोनाब

कार्बिआंलं, डिमाहासाव, काछार, हाइलाकान्दि, श्रीभुमि जिल्लाआव येल’ एलार्ट सांग्रांथि फोसावदों। बोथोर बिज्ञान बिफाननि सिगांग्रो फोसावनाय बायदिनो फैगौ 7 अक्टबरआव अखं, आफां आरो गेजेर आसामनि दर 12 जिल्लाआव, 8 अक्टबरआव दरबा जिल्लाआव, 9 अक्टबरआव दश्राम जिल्लाआव येल’ एलार्ट फोसावदों। बोथोर बिज्ञान मिरुनि फोरमायथिनाय बायदिब्ला, रेड एलार्ट फोसाव जानाय जिल्लाफोराव बोथोरा

अखा मोफ्लामनाय, अखा खोरोमनायजों लोगोसे गोखोंथार अखा हागोन आरो घन्टाआव 40 निफ्राय 50 किल’मिटार गोखेंथिजों बार बासनायनि मिजिं दं। अरेन्ज एलार्ट फोसावजानाय जिल्लाफोरावबो गोखोंथार अखा हानाय आरो घन्टाआव 40 निफ्राय 50 किल’मिटारनि गोखेंथिजों बार बारगोन। येल’ एलार्ट फोसावजानाय जिल्लाफोराव अखा मोफ्लामनाय, अखा खोरोमनायजों लोगोसेनो गोखों अखा हानायनि मिजिं दं।□

माहाम देहानि राहा सुम्फ्राम फिथाइ बायदिनो सुम्फ्रामनि बिलाइआबो गोबां गुन गोनां जायो

सुम्फ्रामआ ओरैबायदि फिथाइ, जायखौ नोंथाडा मार्केटआव गोरलैयैनो मोननो हागोन। बेखौ देहानि थाखाय गोबां मुलाम्फा गोनां मानिनाय जायो, नाथाय नोंथाडा मोनथिगौना सुम्फ्रामनि बिलाइआबो देहानि थाखाय मुलाम्फा गोनां जायो। जुदि उदैजों सोमोन्दो गानां जेंनाफोरनिफ्राय रेहाय मोननो हास्थायोब्ला बेखौ जानायजों गोबां मुलाम्फा मोननो हायो। बेखौ जायोब्ला देहाजों सोमोन्दो गोनां गुबुन जेंनाफोरनिफ्रायबो रेहाय मोनो। सुम्फ्रामनि बिलाइखौ उदै कालियाव जायोब्ला बांसिनै मुलाम्फा मोननो हायो। फुनि समाव उदै खालियाव सुम्फ्रामनि बिलाइखौ अरग्लिनायजों माखासे बेरामफोरनिफ्राय रेहाय मोन्नो हायो। फुनि समाव उदै खालियाव सुम्फ्रामनि बिलाइखौ अरग्लिनायजों डाइजेशनआ मोजां जायो। बेजों उदैनि जेंना जैरे इन्डायजेशन, खि गोरा जानाय, गेस,



एसिडिटी जानायनि सन्देह'आ बाडाय जायो। बेनिखायनो सानफ्रोमबो फुनि समाव उदै खालियाव सुम्फ्रामनि बिलाइखौ अरग्लिनांगौ। फुनि समाव उदै खालियाव सुम्फ्रामनि बिलाइखौ अरग्लिनायजों उदैजों लोगोसे देहानि लिस्थाइखौ बाडाय खालामनायावबो मदत मोनो। बेवहाय माखासे ओरैबायदि कम्पाउन्डखौ मोननाय जायो, जाय देहायाव कार्बहाइड्रेटनि अब्जापर्शानखौ होबथायो, जायजों देहानि लिस्थाया बाड। सुम्फ्रामनि बिलाइआव भितमिन सिखौ मोननाय जायो, जायजों इमिडनिटीआ गोखों जायो आरो माखासे बेरामफोरनिफ्राय रेहाय मोनो। सानफ्रोमबो सुम्फ्रामनि बिलाइखौ जानायजों

डायबिटीजआबो कन्ट्रलआव थायो। बेवहाय थानाय फेन'लिक ब्लाइआव शुगार लेभेलखौ कन्ट्रलआव दोनो, जायजों डायबिटीजनिफ्राय रेहाय मोननो हायो। सानफ्रोमबो सुम्फ्रामनि बिलाइखौ जानायजों बिपियाबो कन्ट्रलआव थायो। सुम्फ्रामनि बायदिनो बेनि बिलाइआवबो पटेशियामआ गोबां बिबांनि थायो, जायजों ब्लाइ प्रेशारखौ कन्ट्रल खालामनायाव मदत मोनो। सुम्फ्रामनि बिलाइआ कलेस्ट्रलखौ सामलायनायावबो मदत होयो। बेवहाय बेड कलेस्ट्रलखौ बायजोआव खालामनो आरो गुड कलेस्ट्रलखौ सामलायनायनि गोहो थायो।□

सन्जय दत्तखौ नुनाय लोगो-लोगोनो माधुरी दिक्षितआ पार्टीनिफ्राय ओखार लांदोंमोन

माधुरी दिक्षित आरो सन्जय दत्तआ माखासे सावथुनफोराव जयै खामानि मावदों। सानैनि डेटिंखौ लानानैबो सावथुन मुलुगाव गोबां सावरायलायनाय जादोंमोन। नाथाय उनाव बिसोरनि गेजेराव जानगार लायनाय जायो आरो फावखुंग्रिया बिथांजों जयै सावगारि सेबखां जानायनिफ्रायबो जानगाराव थानो हमो। अदेबानि सन्जय दत्तखौ



दोन्दोंमोन आरो माधुरीआ बिथांखौ पार्टिआव फैगोननि खोथा होदोंमोन आरो बिथाड फैदोंमोनबो। सिनियर अथर आरो फिल्म हिस्टिरियन हनिफ जावेरिआ बावैसो मोनसे इन्टारभिउआव बै पार्टीनि बाश्राफोरखौ मिबथि होदों। आफजल खानआ मिबथि होदोंदि, फारसेथिं जौसां दंमोन आरो गुबुन फारसेथिं सियार

गोनां गंसे टेबल दंमोन। माधुरीआ गावनि सेक्रेटारि आरो माखासे सुबुंफोरजों लोगोसे सिडव फैदों, नाथाय जौसां फारसे थाडालासै बिथाडा आंजों लोगोसेसो जिरायफादों। आं बिथांखौ उसु-खुथु जानाय नुदोंमोन आरो सान्दोंमोनदि, बिथाड उनाव महरगिरिफोरजों थाहैफागोन। नाथाय माधुरी दिक्षित आरो

महेश भाट्टआ फिसाजो पुजा भाट्टजों बाश्रा सावरायलायनायाव एम सादिकनि गाज्रि समखौ गोसोखांदों



भारतीय सिनेमानि जारिभिनाव माखासे बुंस' हायै बाश्राफोर गोदोनानै दं, जाय मिबथि होयोदि, सावथुन मुलुगनि जोंगा-मगानि सिडव बेसेबां खस्थ'आ थाखुमाना दं। मोनसे सावथुनखौ बानायनायाव खालि महरगिरिफोरनि बिहोमा होनायल' थाया केमेशनि उनाव बिथोनगिरि-प्रडिउसारफोरा गासिखौबो गथाइनानै मोनसे

सावथुनखौ बानायो आरो दिहुनो। मबै समाव मा जागोन, जाफुंसारगोन ना जाफुंसार खबो मिबथिया। हिन्दी सिनेमानि सासे मुंदांखा बिथोनगिरिजों लोगोसेनो बिब्दोनो जादोंमोन। सावथुनखौ माखासे ब्लकबास्टर सावथुन जाहोनो हानाय सासे बिथोनगिरिनि जिउआव ओरैबायदि थासारि सोमजिदोंमोन, बिथाड गावनि

फार्निचारखौबो फान्नांदोंमोन। बे बिथोनगिरिनि मुडनो जादों एम सादिक। गुरु दत्तनो गावनि ब्लकबास्टर सावथुन 'चौदहवी का चान्द' होनो हानाय एम सादिकआ मोनसे समाव गावनि बांग्ला न' आरो फार्निचारफोरखौबो फान्नो गोनां जादोंमोन। बावैसो सिगां महेश भाट्टआ गावनि फिसाजो पुजा भाट्टजों लोगोसे

मुंदांखा टिभि स्व' बिग बस 19 आव सलमान खानआ आमाल मालिकखौ सापर्ट खालामदों

बिग बस 19 नि 6 थि सप्ताहआ ड्रामा आरो खुद्रिलायनायजों बुंफबनायमोन। सलमान कानआ शनिबारनि उइकेन्डनि वार एपिसडआव फिन खनसेबाव साफ्रोमखौबो गोबां सोंखारिदों। बिग बस सिजन 19 नि मस्ट अवेटेड उइकेन्डनि वार एपिसडआव हस्ट सलमान खानआ बे सप्ताहनि जेंनाफोरनि सायाव गुवारै सावरायदों। बे गोदान एपिसडआव सलमान खानआ कुनिकाजों न'आव बनि गाज्रि आखु दिस्थिनायखौ लानानै बाश्रा सावरायदों। जर'खायै आमाल मालिकखौ जेबो ओंथि गैयै डिस्टार्ब खालामनायनि थाखायबो सोंथि खालामदों। सलमानआ मिबथि होदोंदि, माबोरैहाय बिथाडा केप्टेन्सि टास्कनि समाव गावनि बाश्राफोरखौ सिफायनानै दिन्थिया, जाय सिगाडावनो अभिषेक बजाज आरो आमाल मालिकनि गेजेराव गोखा रावजों खुद्रिलायनायाव सोलाय खाबायमोन, जेराव अशनुर कौरखौ गेटकिपारनि फावआव दोन्नाय जादोंमोन। भाइजानआ



बे टास्टनि सोमोन्दै बाश्रा सावरायनानै कुनिका सदानन्दखौ सोंखारिदों आरो आमाल मालिकखौ सापर्टबो खालामदों, जायनि जाहोनाव देंखोगिरिया

दुखुबो जादों। सलमानआ खुद्रिखांन बुडे, कुनिका नॉनि मान सनमानआ नॉनि आखायावनो दं। नों गले-गले गावनि गोरोन्थिखौनो

मावफिनबाय थायो। गावनि गोसो सिडाव मोजांखौ लाबोफिन एसे। गासिमबो जेंनानि रोदायानो कुनिका जि। बेयो सैथो बाश्रा। बनि गोखा

रवफोर न'नि सोद्रोमाफोरखौ गोमोहाबहोदों, जायजों रोखा जादोंदि, बे उइकेन्डनि वारआव बादायारिफोरनि थाखाय जेबो गोरलै जानाय नड। बबेखानि अमालआ मिबथि होदोंदि, कुनिकाया जेब्लायबो गोरोन्थि मावोब्ला 'सरि' बुंनानै गावखौ लाजिफोनाडोमोन। हस्टआ जोबनायाव गासिखौबो सोंखारिनायनि उनाव अमाल मालिकनि फारसे आवगायो, जायखौ दुखु जानाय नुनो मोन्दोंमोन। सलमान खानआ गोसो गोजोन्थाव बाश्रा बुंनानै देंखोगिरिनि गोहोखौ बारायो, जायनि उनाव बिथाडा गावदोंमोन।□

हलिउडनि पप सिंगार सिन डिडि कम्ब्सरवौ बिजिरसालिया 4 बोसोर 4 दाननि साजा खोनासंहोदों

हलिउडनि पप सिंगार सिन डिडि कम्ब्सखौ आथोनारि हाबाजों लोब्बा थानाय दायनि थाखाय बिजिरसालिया 4 बोसोर जेलनि साजा खोनासंहोदों। जाय सुबुंफोरा मिबथिया बिसोरनो मिबथि होनाय जायोदि, देंखोगिरिनि हेंथायै जिनाहारि खालामनाय



आरो गाज्रि आखु दिस्थिनायनि केसआ गोबाव बोसोरनिफ्राय सोलिगासिनो दंमोन, जायनि जाहोनाव आमेरिकानि जिल्ला बिजिरगिरि अरुण सुब्रमणयानआ बे केसआव साजा खोनासंहोदों आरो बेखौ मोनसे गोनांथि खौरां होन्ना मिबथि होदों। बिजिरगिरिया कटंआव थांखि खोनासंहोना

बुंदोंदि, आइजोफोरनि हेंथायै सोबख'नाय आरो हिंसानि थाखाय फिनजाथाइ होनाया थि जानांगौ। बेजों लोगोसेनो बिथाड देंखोगिरिखौ 4 बोसोर 4 दाननि साजा खोनासंहोनायजों लोगोसे 5 लाख डलारनि जुरिमानाबो फोनांदों। हियारिनि समाव देंखोगिरि सिनखौ गाबनानै

निमाहा बिनायबो नुनो मोन्दों। एनबिसि निउजनि बायदिब्ला हियारिनि समाव बिजिरगिरिखौ सिनआ बुंदोंदि, आं जानानै थांखांनाय जाथायखौ सोलाय होनो हाला, नाथाय फैगौ समखौ सोलाय होनो हागोन। बेल' नड रेपारआ गावनि सानै एक्स गार्लफ्रैन्ड, जाय बिथांनि

सायाव देहायारि आरो आथोनारि हिंसानि दाय जाबसिन्दों। बिसोरनावबो निमाहा बिदों। बिथाड बुंदों, आंनि आखुआ मुगैथावना, लाजिथावना आरो सोलेंथाइ लानो गोनांमोन। आं ड्राम्स लानायनि जाहोनाव बेराम जादोंमोन। आं गावखौनो कन्ट्रल खालामनो हाया जादोंमोन। आंहा मदतनि गोनांथिमोन, नाथाय आं रावनिबो मदत मोनाखै। देंखोगिरिया कटंआव बुंबावोदि, आं आंनि गासिमबो बिजनेस, केरियार आरो मान-सन्मानखौ खोमानानै लाबाय। आंनि गोसोआ सिडाव बायगिलजोब्बाय। आं बे समाव आंखौनो मुगैदों।□

‘बरसात’ सावथुननि शुटिनि समाव फावखुंगुर बबी देअलनि आइथिंआ बायदोंमोन

बबी देअलआ गावनि बिदा सानि देअलजों गावजोंनि सोमोन्दोनि बागै सावरायनो माल्लाबाबो उमु सुमु-मोना। बावैसो सिगां बबीआ मोनसे मेम'री शेयार खालामदों, जेयव नुनो मोन्दोंदि, बिदा-फं बाय सान्नैनि सोमोन्दोआ बेसेबां गोथौ। बे बाश्राया बबी देअलनि गावनि बनि सावथुन 'बरसात'नि शुटि खालामफुबाय थानाय समनि।



गासिबो मोजाडै नो सोलिगासिनो दंमोन, नाथाय सानसेखालि इलेन्डआव रायरायगारि गाखोनाय मोनसे सिन खालामनाय समाव मोनसे जाब्रबथाइआ दासिमबो सोलाय होदों। बबीआ बेखौ गोसोखांनानै मिबथि होदोंदि, आंहा दिनैसिमबो गोसोआव दं, शुटिनि समाव इलेन्डआव आंनि आइथिंआ बायदोंमोन। आं मासे

रायरायआव गाखोना दंमोन, गुबुन मासे गथायदों सौप्रावो आरो गावनि कन्ट्रलखौ खोमाना लादोंमोन, उनाव हायाव गोबारे गोलेदों। अदेबानि आं जेब्ला गाहायाव नायो अब्ला आंनि आइथिं थोंसेआ बायबायमोन। आं गसंनो नाजादोंमोन, नाथाय गोलेलैफिन्दों। बिदाया बेवनो दंमोन, बिथाड आंखौ उनाव गावनि फाफ्लियाव दिखोना

लानानै थांदों। सानि देअलआ दसे समबो ख'हा खालामालासै थाबैनो गावनि फं बायखौ खाथिनि देहा फाहामसालियाव लानानै थांदों, नाथाय उनाव आं मिबथिनो मोनोदि, बावहाय डक्टरफोरा बुंदों जे जों बिथांनि आइथिंखौ फाहामनो हानाय नंला। अब्ला बिदाया आंखौ हरजों-हर लन्दन एयारलिफ्टआव लाडे। बेवहाय

आंनि सार्जरी जादों। बिथाड जेब्लायबो आंजो लोगोसे थाफादों। बबी देअलआ बुंदोंदि, बै जाब्रबथायाव बिथांनि आइथिंआव मोनसे लहानि रड आरो स्कुलागायदोंमोनब्लाबो, नाथाय बेजों बिथांनि स्पिडआ माल्लाबाबो लासै जायाखै। बिथाडा दा बे जाब्रबथाइ जानाया 30 बोसोरनिखुइबो बांसिन सम जाबाय।□

ऋषभ शेड्टिजों बिथोन होजानाय कान्तारा चेप्टार 1 सावथुना सान्थामनि गेजेरावनो मोजां रां आरजिनो हादों



भारतीय सिनेमानि जारिभिनाव माखासे सावथुनफोरा ओरैबायदि जायो, जाय मोजां अपेनि लानायजों लोगोसे गावसिनि कन्टेन्ट एक्टिं आरो सल'नि गोहोजों नायगिरिफोरनि गोसोआव मोनसे आलादा जायगा आवग्रिनो हायो। थिग बिब्दोनो मोनसे सावथुन आथिखालाव खौरांआव थानानै दं, जायनि मुड कान्तारा चेप्टार 1, जाय रिलिजनि गिबि साननिफ्रायनो बक्स अफिसआव दोहौ सोमजिहोदों। सिनेमा हलनि बायजोआव गोलाव लाइन, हाउसफुल स्व' आरो समाजयारि बिजोंआव लान्थ्रियै बाज्राय

जानाया कन्न्ड सुपारस्टार ऋषभ शेड्टिनि बे सावथुनखौ सुपारहिटजों लोगोसे ब्लकबास्टरनि थाखोयाव सौहैहोदों। रिपटनि बायदिब्ला सावथुना भारतआव गिबि सानाव 61.85 कौटि रंजों जागायदों। नैथि सानाव अनजिमाया एसे दावखलायनानै 46 कौटि रंआव फैदों, नाथाय थामथि सानाव फिन खनसेबाव दावखोदों आरो सावथुना 55 कौटि रं आरजिदों। बे बायदिनो सावथुना भारतआव सान्थामआव नेट कालेक्सनआ 162.85 कौटि रांसिम

सौहैबाय। बबेखानि सावथुननि वाल्डवाइड बक्स अफिसआ गोखोंयैनो थादों, जाय सान्थामआव 250 कौटि रंनिबो बार आरजिनो हादों। बे अनजिमाजों बे सावथुना बे बोसोरनि गोखैसिन रं आरजिनो हानाय सावथुनफोरनि गेजेराव बाहागो लानो हादों। जर'खा बाश्राया बेनोदि, सान्थामनि गेजेरावनो कान्तारा चेप्टार 1 सावथुना अक्षय कुमार, पवन कल्याण आरो तेजा सजा बायदि महरगिरिफोरनि सावथुनफोरखौ उन खालामदों।□

